



**CONCELLO DE POIO**

**Ref: MC**

**(Secretaría)**

ACTA DA SESION EXTRAORDINARIA, NÚMERO CATROCENTOS VINTE E TRES REALIZADA POLO PLENO DESTA CORPORACION O DÍA ONCE DE MAIO DE DOUS MIL NOVE.

Na Casa Consistorial de Poio, ás oito horas e dez minutos do día once de maio de dous mil nove, baixo a presidencia do Sr. Alcalde D. Luciano Sobral Fernández e coas asistencias dos Srs./as. Concelleiros D. Xulio Barreiro Lubián, D<sup>a</sup>. Silvia Díaz Iglesias, D. Xosé L. Martínez Blanco, D. Miguel A. Pazos Barros, D. Francisco Piñeiro Murillo, D<sup>a</sup>. Celeste Nieto García, D. Ángel Moldes Martínez e D. Manuel Domínguez Álvarez; actuando a Secretaria Xeral do Concello D<sup>a</sup>. Paula Díaz Ramos como delegada da Xunta Electoral de Zona. Reuníronse en primeira convocatoria para realizar a sesión extraordinaria correspondente ó día de hoxe e para a que foron previamente citados en tempo e forma. Pola Presidencia declárase aberta a sesión, para tratar os asuntos que figuran na Orde do Día.

3241.- ACTO DO SORTEO PÚBLICO DOS MEMBROS DAS MESAS ELECTORAIS QUE PARTICIPARÁN NAS ELECCIÓNS AO PARLAMENTO EUROPEO QUE SE REALIZARÁN O DOMINGO 7 DE XUÑO DE 2009.- Polo Presidente declárase aberta a sesión, tralo que se da conta da Lei Orgánica 5/1985, de 19 de xuño, do Réxime Electoral Xeral, modificada polas Leis Orgánicas 2/1980, de 18 de xaneiro; 5/1985, de 19 de xuño; 8/1991, de 13 de marzo, 6/1992, de 2 de novembro, e 13/94, de 30 de marzo, 3/1995 do 23 de marzo, Real Decreto 489/1995, de 3 de abril polo que se ditan normas reguladoras dos procesos electorais, e Decreto 605/1999, 16-4, de regulación complementaria dos procesos electorais.

De conformidade co artigo 26 da Lei 5/1985, de 19 de xuño, do Réxime Electoral Xeral: 1).- A formación das Mesas compete ós Concellos baixo a supervisión das Xuntas Electorais de Zona. 2).- O Presidente e os Vogais de cada Mesa son designados por sorteo público entre a totalidade das persoas censadas na mesa da sección correspondente, que sexan menores de 65 anos e que saiban ler e escribir. O Presidente deberá ter o título de Bacharelato ou o de Formación Profesional de segundo grao, ou subsidiariamente, o de Graduado Escolar ou equivalente. 3).- Procédese da mesma forma o nomeamento de dous suplentes para cada un dos membros da Mesa. O artigo 25 da devandita Lei sinala que a Mesa Electoral está formada por un Presidente e dous Vogais.

A documentación existente neste Concello consiste en copias do Censo Electoral Ordinario, referido ao 31 de xaneiro de 2009, confeccionado pola Oficina Provincial do Censo Electoral, con lista de electores referidos ás Mesas dos Distritos e Seccións do termo

municipal de Poio, Distrito Primeiro, Seccións 1ª a 6ª; Distrito Segundo, Seccións 1ª a 3ª, cun total de vinte e duas mesas electorais, divididas por orde alfabético xeral.

Os sistemas informativos actuais permiten, a realización dun sorteo eficaz, rápido e transparente, seleccionando aos electores que reúnan as condicións específicas a cada caso, sen necesidade da previa selección mediante a confección de listados por separado para presidentes e outros para vogais, ao facilitar a Oficina do Censo Electoral, o soporte magnético do Censo Electoral por Seccións.

Realizado o sorteo, os funcionarios/as, mediante o sistema informático, localizan aos electores que deben forma-las mesas electorais de conformidade co sorteo efectuado cubrindo os impresos oficiais que se remitirán á Xunta Electoral de Zona, asinados polo Sr. Presidente e Secretaria.

Seguidamente a Secretaria da lectura ao resultado do sorteo indicando os nomes e apelidos dos electores que deberán formar todas e cada unha das Mesas Electorais.

A secretaria Dª. Paula Ramos Díaz explica aos asistentes que se van a realizar dous sorteos máis para as notificacións fallidas e para os novos nomeamentos dos membros das mesas co motivo das escusas presentadas e aceptadas pola Xunta Electoral de Zona, aplicando ademais á terceira listaxe de reserva que así resulte as seguintes regras:

1º.- Para cubrir os postos que correspondan so se poderá acudir as persoas que estiveran designadas como tales na listaxe é dicir as excusas de presidentes so poderán ser cubertas con persoas designadas no mesmo posto.

2º.- Dentro do mesmo posto, formarase unha listaxe única con cargo ao cal se realizará os nomeamentos que sexan necesarios.

O Pleno da Corporación considera correcto os sorteos efectuados sen formular ningunha observación, polo que lle presta conformidade, dispoñendo sexa remitido o resultado á Xunta Electoral de Zona.

A Corporación por unanimidade acordou aproballo.

E non habendo máis asuntos que tratar, polo Sr. Alcalde levántase a sesión ás oito horas e trinta minutos, da que se redacta a presente acta, de todo o que eu, Secretaria, dou fe.